

जलाभिषेक पाठ
Jalābhiṣēka Pāṭha

कवि श्री हरजसराय
Kavi Śrī Harajasarāya

जय-जय भगवंते सदा, मंगल-मूल महान ।
वीतराग सर्वज्ञ प्रभु, नमों जोरि जुग-पान ॥

Jaya - jaya bhagavantē sadā, maṅgala - mūla mahāna ।
Vītarāga sarvajña prabhu, namaum̐ jōri juga – pāna ॥

(ढाल मंगल की, छन्द अडिल्ल और गीता)

श्री जिन! जग में ऐसो को बुधवंत जू ।
जो तुम गुण-वरननि करि पावे अंत जू ॥
इंद्रादिक सुर चार ज्ञानधारी मुनी ।

कहि न सकें तुम गुणगण हे! त्रिभुवन-धनी ॥

अनुपम अमित तुम गुणनि-वारिधि ज्यों अलोकाकाश है ।
किमि धरें हम उर कोष में सो अकथ गुण-मणिराश है ॥
पै निज-प्रयोजन सिद्धि की तुम नाम में ही शक्ति है ।
यह चित्त में सरधान यातें नाम ही में भक्ति है ॥१॥

(Dhāla maṅgala kī, chanda aḍilla aura gītā)

Jina śrī! Jaga mēm̐ aisō kō budhavanta jū ।
Jō tuma guṇa - varanani kari pāvē anta jū ॥

Indrādika sura cāra jñānadhārī mun ī

Kahi na sakēm̐ tuma guṇagaṇa hē! Tribhuvana – dhanī ॥

Anupama amita tuma guṇani - vāridhi jyōm̐ alōkākāśa hai ।

Kimi dharēm̐ hama ura kōṣa mēm̐ sō akatha guṇa - maṇirāśa hai ॥

Pai nija - prayōjana sid'dhi kī tuma nāma mēm̐ hī śakti hai ।

Yeh citta mēm̐ saradhāna yātēm̐ nāma hī mēm̐ bhakti hai ॥1॥

ज्ञानावरणी दर्शन-आवरणी भने ।

कर्म मोहनी अंतराय चारों हने ॥

लोकालोक विलोक्यो केवलज्ञान में ।

इंद्रादिक के मुकुट नये सुरथान में ॥

तब इन्द्र जान्यो अवधितें उठि सुरन-युत वंदत भयो ।
 तुम पुन्य को प्रेर्यौ हरी ह्वै मुदित धनपतिसों कह्यो ॥
 अब वेगि जाय रचो समवसृति सफल सुरपद को करयो ।
 साक्षात श्रीअरिहंत के दर्शन करो कल्मष हरयो ॥२॥

Jñānāvaraṇī darśana - āvaraṇī bhanē |
 Karma mōhanī antarāya cārōm hanē ||
 Lōkālōka vilōkyō kēvalajñāna mēm |

Indrādika kē mukuṭa nayē surathāna mēm ||

Taba indra jān'yō avadhītēm uṭhi surana - yuta vandata bhayō |
 Tuma pun'ya kō prēryau harī hvai mudita dhanapatisōm kahyō ||
 Aba vēgi jāya racō samavasṛti saphala surapada kō karyō |
 Sākṣāta śrī'arihanta kē darśana karō kalmaṣa haryō ||2||

ऐसे वचन सुने सुरपति के धनपति ।

चलि आयो तत्काल मोद धारे अती ॥

वीतराग-छवि देख शब्द जय जय चयो ।

दे प्रदच्छिना बार-बार वंदत भयो ॥

अति भक्ति-भीनो नम्रचित ह्वे समवसरण रच्यो सही ।

ताकी अनूपम शुभ-गती को कहन समरथ कोउ नहीं ॥

प्राकार तोरण सभामंडप कनक मणिमय छाजहीं ।

नग-जड़ित गंधकुटी मनोहर मध्यभाग विराजहीं ॥३॥

Aisē vacana sunē surapati kē dhanapati |

Cali āyō tatkāla mōda dhārē atī ||

Vītarāga - chavi dēkha śabda jaya jaya cayō |

Dē pradacchinā bāra - bāra vandata bhayō ||

Ati bhakti - bhīnō namracita hvē samavasaraṇa racyō sahī |

Tākī anūpama śubha - gatī kō kahana samaratha kō'u nahīm ||

Prākāra tōraṇa sabhāmaṇḍapa kanaka maṇimaya chājahīm |

Naga - jaṛita gandhakuṭī manōhara madhyabhāga virājahīm ||3||

सिंहासन ता-मध्य बन्यो अद्भुत दिपै ।

ता पर वारिज रच्यो प्रभा दिनकर छिपै ॥

तीन छत्र सिर शोभित चौंसठ चमरजी ।

महा भक्तियुत ढोरत हैं तहाँ अमरजी ॥
 प्रभु तरन-तारन कमल ऊपर अंतरीक्ष विराजिया ।
 यह वीतराग दशा प्रतच्छ विलोकि भविजन सुख लिया ॥
 मुनि आदि द्वादश सभा के भवि जीव मस्तक नाय के ।
 बहुभाँति बारंबार पूजें नमें गुण-गण गाय के ॥४॥
 Sinhāsana tā - madhya ban'yō adbhuta dipai |
 Tā para vārija racyō prabhā dinakara chipai ||
 Tīna chatra sira śōbhita caunsaṭha camarājī |
 Mahā bhaktiyuta ḍhōrata hairṁ tahām̃ amarājī ||.
 Prabhu tarana - tārana kamala ūpara antarīkṣa virājīyā |
 Yaha vītarāga daśā prataccha vilōki bhavijana sukha liyā ||
 Muni ādi dvādaśa sabhā kē bhavi jīva mastaka nāya kē |
 Bahubhām̃ti bārambāra pūjēm namēm̃ guṇa - gaṇa gāya kē ||4||

परमौदारिक दिव्य देह पावन सही ।
 क्षुधा तृषा चिंता भय गद दूषण नहीं ॥
 जन्म जरा मृति अरति शोक विस्मय नसे ।
 राग रोष निद्रा मद मोह सबै खसे ॥
 श्रम बिना श्रम-जल रहित पावन अमल ज्योति-स्वरूपजी ।
 शरणागतनि की अशुचिता हरि करत विमल अनूपजी ॥
 ऐसे प्रभु की शांति-मुद्रा को न्हवन जलतें करें ।
 'जस' भक्तिवश मन उक्ति तें, हम भानु ढिग दीपक धरें ॥५॥
 Paramaudārika divya dēha pāvana sahī |
 Kṣudhā tṛṣā cintā bhaya gada dūṣaṇa nahīm̃ ||
 Janma jarā mṛti arati śōka vismaya nasē |
 Rāga rōṣa nidrā mada mōha sabai khasē ||
 Śrama binā śrama - jala rahita pāvana amala jyōti – svarūpājī |
 Śaraṇāgatani kī aśucitā hari karata vimala anūpājī |
 Aisē prabhu kī śānti - mudrā kō nhavana jalatēm̃ karēm̃ ||
 'Jasa' bhaktivaśa mana ukti tēm̃, hama bhānu ḍhiga dīpaka dharēm̃ ||5||

तुम तो सहज पवित्र यही निश्चय भयो ।
 तुम पवित्रता-हेत नहीं मज्जन ठयो ॥

मैं मलीन रागादिक मलतें ह्वे रह्यो ।
 महा मलिन तन में वसु-विधि-वश दुःख सह्यो ॥
 बीत्यो अनंतो काल यह मेरी अशुचिता ना गई ।
 तिस अशुचिता-हर एक तुम ही भरहु बाँछा चित ठई ॥
 अब अष्टकर्म विनाश सब मल रोष-रागादिक हरो ।
 तनरूप कारा-गेह तें उद्धार शिव-वासा करो ॥६॥

Tuma tō sahaja pavitra yahī niścaya bhayō |
 Tuma pavitratā - hēta nahīm majjana ṭhayō ||
 Mair̄m malīna rāgādika malatēm hvē rahyō |
 Mahā malina tana mēm vasu - vidhi - vaśa du: Kha sahyō ||
 Bītyō anantō kāla yaha mērī aśucitā nā gar' | |
 Tisa aśucitā - hara ēka tuma hī bharahu vāṁchā cita ṭhar' | ||
 Aba aṣṭakarma vināśa saba mala rōṣa - rāgādika harō |
 Tanarūpa kārā - gēha tēm ud'dhāra śiva - vāsā karō ||6||

मैं जानत तुम अष्टकर्म हनि शिव गये ।
 आवागमन-विमुक्त राग-वर्जित भये ॥
 पर तथापि मेरो मनोरथ पूरत सही ।
 नय-प्रमान तें जानि महा साता लही ॥
 पापाचरण-तजि न्हवन करता चित्त मैं ऐसे धरूँ ।
 साक्षात श्रीअरिहंत का मानो न्हवन परसन करूँ ॥
 ऐसे विमल परिणाम होते अशुभ नसि शुभबंध तें ।
 विधि अशुभ-नसि शुभबंध तें ह्वे शर्म सब विधि तास तें ॥७॥

Mair̄m jānata tuma aṣṭakarma hani śiva gayē |
 Āvāgamana - vimukta rāga - varjita bhayē ||
 Para tathāpi mērō manōratha pūrata sahī |
 Naya - pramāna tēm jāni mahā sātā lahī ||
 Pāpācaraṇa - taji nhavana karatā citta mair̄m aisē dharūṁ |
 Sākṣāta śrī'arihanta kā mānō nhavana parasana karūṁ ||
 Aisē vimala pariṇāma hōtē aśubha nasi śubhabandha tēm |
 Vidhi aśubha - nasi śubhabandha tēm hvē śarma saba vidhi tāsa tēm ||7||

पावन मेरे नयन भये तुम दरस तें ।

पावन पाणि भये तुम चरननि परस तें ॥
 पावन मन हवै गयो तिहारे ध्यान तें ।
 पावन रसना मानी तुम गुण-गान तें ॥
 पावन भई परजाय मेरी भयो में पूरण धनी ।
 मैं शक्तिपूर्वक भक्ति कीनी, पूर्ण-भक्ति नहीं बनी ॥
 धनि धन्य ते बड़भागी भवि तिन नींव शिव-घर की धरी ।
 वर क्षीरसागर आदि जल मणिकुंभ भर भक्ती करी ॥८॥
 Pāvana mērē nayana bhayē tuma darasa tēm̄ ।
 Pāvana pāṇi bhayē tuma caranani parasa tēm̄ ॥
 Pāvana mana hvai gayō tihārē dhyāna tēm̄ ।
 Pāvana rasanā mānī tuma guṇa - gāna tēm̄ ॥
 Pāvana bhar'i parajāya mērī bhayō mair̄m pūraṇa dhanī ।
 Mair̄m śaktipūrvaka bhakti kīnī, pūrṇa - bhakti nahīr̄m banī ॥
 Dhani dhan'ya tē baṛabhāgi bhavi tina nīnva śiva - ghara kī dharī ।
 Vara kṣīrasāgara ādi jala maṇikumbha bhara bhaktī karī ॥8॥

विघन-सघन-वन-दाहन दहन प्रचंड हो ।
 मोह-महा-तम-दलन प्रबल मारतंड हो ॥
 ब्रह्मा विष्णु महेश आदि संज्ञा धरो ।
 जग-विजयी जमराज नाश ताको करो ॥
 आनंद-कारण दुःख-निवारण परम-मंगल-मय सही ।
 मोसो पतित नहीं और तुम-सो पतित-तार सुन्यो नहीं ॥
 चिंतामणी पारस कल्पतरु एकभव-सुखकार ही ।
 तुम भक्ति-नवका जे चढ़े ते भये भवदधि-पार ही ॥९॥
 Vighana - saghana - vana - dāhana dahana pracaṇḍa hō ।
 Mōha - mahā - tama - dalana prabala mārataṇḍa hō ॥
 Brahmā viṣṇu mahēśa ādi sañjñā dharō ।
 Jaga - vijayī jamarāja nāśa tākō karō ॥
 Ānanda - kāraṇa du: Kha - nivāraṇa parama - maṅgala - maya sahī ।
 Mōsō patita nahīr̄m aura tuma - sō patita - tāra sun'yō nahīr̄m ॥
 Cintāmaṇī pārasa kalpataru ēkabhava - sukhakāra hī ।
 Tuma bhakti - navakā jē caṛhē tē bhayē bhavadadhi - pāra hī ॥9॥

(दोहा)

तुम भवदधि तें तरि गये, भये निकल अविकार ।
तारतम्य इस भक्ति को, हमें उतारो पार ॥१०॥

(Dōhā)

Tuma bhavadadhi tēm tari gayē, bhayē nikala avikāra ।
Tāratamya isa bhakti kō, hamēm utārō pāra ॥10॥

॥इति अभिषेक पाठ॥

॥ Iti Abhiṣēka Pāṭha ॥

* * * * *

2A1otus